

Imajući u vidu prikazano stanje cestovne infrastrukture na području općine Ilidža, te iznos finansijskih sredstava predviđenih budžetom za redovno održavanje, gradnju i rekonstrukciju lokalnih i nerazvrstanih cesta, predlažemo da Općinsko vijeće da saglasnost na Plan i program održavanja, zaštite, rekonstrukcije i izgradnje lokalnih i nerazvrstanih cesta

na području općine Ilidža za 2015. godinu u skladu sa članom 25. stav 2. Zakona o cestama Federacije Bosne i Hercegovine ("Službene novine Federacije BiH", broj 12/10, 16/10 i 66/13).

29. decembra 2014. godine
Ilidža

Općinski načelnik
Prof. dr. **Senaid Memić**, s. r.

OPĆINA NOVI GRAD SARAJEVO

Općinski načelnik

Na osnovu člana 46. Zakona o prostornom uređenju ("Službene novine Kantona Sarajevo", br. 7/05), i člana 37. Statuta Općine Novi Grad Sarajevo ("Službene novine Kantona Sarajevo" br. 30/09 - Prečišćeni tekst) Općinski načelnik, dana 24.02.2015. godine verificovao je i donio

ODLUKU

O KOREKCIJI REGULACIONOG PLANA "BAČIĆI" I REGULACIONOG PLANA "DONJE TELALOVO POLJE"

Idejno rješenje odvodnje otpadnih i oborinskih voda

Član 1.

Utvrđuje se Korekcija Regulacionog plana "Bačići" ("Službene novine Kantona Sarajevo", broj 13/02), i Regulacionog plana "Donje Telalovo Polje" ("Službene novine Kantona Sarajevo", broj 18/05) u daljem tekstu: Korekcija Planova.

Član 2.

Korekcijom planova u fazi Idejnog rješenja odvodnje otpadnih i oborinskih voda utvrđeni su planski preduvjeti za realizaciju zacjevljenja potoka Magrinjak, a prema Glavnom projektu "Ucjevljenje otvorenog kanala Magrinjak ispod platoa stanice Rajlovac Teretna-izliv u rijeku Miljacku" urađen od strane HYDRO WEYS doo, a na zahtjev investitora JP Željeznice FBiH doo Sarajevo.

U grafičkom prilogu broj 1 uz tekstualno obrazloženje Korekcije Planova planirano je rješenje otpadnih i oborinskih voda vezano za zacjevljenje potoka Magrinjak.

Član 3.

Tekstualni dio i grafički prilozi Korekcije Planova su sastavni dio Idejnog rješenja otpadnih i oborinskih voda Regulacionog plana "Bačići" ("Službene novine Kantona Sarajevo", broj 13/02), i Regulacionog plana "Donje Telalovo Polje" ("Službene novine Kantona Sarajevo", broj 18/05).

Član 4.

Po jedan primjerak ovjerene korekcije Plana (tekstualni dio i grafički prilog) nalazi se na stalnom javnom uvidu i čuva se u Službi dokumentacije Općine Novi Grad Sarajevo, Zavoda za planiranje razvoja Kantona Sarajevo, Ministarstva prostornog uređenja i zaštite okoliša Kantona Sarajevo i Gradske uprave Grada Sarajeva - Službe za urbano planiranje i stambene poslove.

Član 5.

Ova Odluka stupa na snagu narednog dana od dana objavljivanja na oglasnoj ploči Općine Novi Grad Sarajevo, a naknadno će se objaviti u "Službenim novinama Kantona Sarajevo".

Broj 02-23-23539/13
24. februara 2015. godine

Općinski načelnik
Mr. **Semir Efendić**, s. r.

